

Escrito por Redaccion @valminorinfo
Martes, 07 Maio 2013 22:37

O Alcalde de Gondomar, Fernando Guitián, mantivo unha reunión con representantes da Asociación de Vecinos de Donas na Casa Consistorial. Durante o encontro, os membros da plataforma veciñal trasladaron ao alcalde as súas peticións para solucionar os problemas que lles afectan e se repasaron as actuacións que quedan pendentes de acometer, co fin de fixar a súa execución.

Segundo sinala o rexedor, "entre os temas tratados, e sobre os que se actuará, encóntranse a iluminación das vías, o saneamento e a mellora e arranxo de cunetas". "O obxecto desta reunión é coñecer de primeira man as demandas dos nosos veciños e atender e solucionar, na medida do posible, os problemas formulados", asegura Guitián.

O alcalde recibiu aos veciños acompañado do concelleiro de Vías e Obras, Jesús Salgueiro e do concelleiro de Medio e Servizos, Juan Carlos González.